

REFERAT IIIA - Isumaginninnermut Inunnullu Innarluutilinnut Ataatsimiititaq d. 16-08-2022

Mødedato Tirsdag d. 16. august 2022 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluserisassat akuerineqarneri.....	4
Nalunaarutit.....	5
Suliat Isumaginninnermut, Suliffeqarnermut Inuussutissarsiornermullu Ingerlatsivimmut attuumass	6
Kajumissuseq tunngavigalugu isumaginninnermi sulinnermut tapiissutininik agguaaaneq 2022.....	11
Ulloq unnuarluk akigitat qaffanneqarnerinut akuersissut.....	13
Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarnerit.....	15
Oqartussaaffeqarfiup angusai sullissinnermilu anguniagai - 2 kvartali 2022.....	18
Utoqqarnut tunngasuni naatsorsueqqissaarneq, ukiup affakkaartumik malinnaatitsineq.....	21
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	24
Piffissami 2022-mi aprilimiit 2022-mi juunimut pissaanermik atuisimaneq pillugu nalunaarutininik i	28
Suliffeqarnermut Isumaginninnermullu Ataatsimiititap angalaneranit nalunaarusiaq.....	31
Lukket.....	34
Taasariaqartut allat.....	35
Imaqarniliap akuerineqarnera.....	36

Punkt .: Saqqaa

Ataatsimeeqataasut:

Ataatsimeeqataasinnaanatik nalunaartut:

Beslutning

Ataatsimeeqataasut:

Inge Olsvig Brandt (IA), *siulittaasoq*

Oqarasuaatikkut peqataasut:

Lone Rosengreen Pedersen (IA), *siulittaasup tullia*

Harald Bianco (IA)

Poul Petersen (D)

Mala Høy Kúko (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Siulittaasumiit:

Ingerlatsivimmiit:

Beslutning

Siulittaasumiit:

Uge 32-mi siulittaasup Københavnnimi Kommunimiit Isumaginninnermut Ataatsimiititap Nuummut angalaneranut atatillugu ataatsimeeqatigaa.

**Punkt 1: Suliat Isumaginninnermut, Suliffeqarnermut
Inuussutissarsiornermullu Ingerlatsivimmut attuumassuteqartut
Isumaginninnermi Naammagittaalliuuteqartarfimmeersut**

Beslutning

Ilisimatitsissut tusaatissatut tiguneqarpoq.

Suliat Isumaginninnermut, Suliffeqarnermut Inuussutissarsiornermullu Ingerlatsivimmu attuumassuteqartut Isumaginninnermi Naammagittaalliuuteqartarfimmeersut

2. kvartali 2022

Ilisimatitsissut

SagsID.: EMN-2022-05130

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

2. kvartal 2022-imi Isumaginninnermut, Suliffeqarnermut Inuussutissarsiuuteqarnermullu

Ingerlatsivik Isumaginninnermi Maalaaruteqartarfimmit aalajangiinernik 24-nik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiorsiissut	Ikiutinik pisartagallit amerlassusaat
Ernereermermi ullormusiat	128
Ineqarnermut akiliummut tapiissutit	1400
Siusinaartumik pensionisiallit	940
Utoqqalinersiat	1177
Pisortat ikiorsiissutaat ineqarnermut akiligassat ilanngullugit	782
Suliffeqanngikkallarnermi ikiorsiissutit	181
Katillugit	4.608

Paasisutissat AX-miit ulloq 8. juli 2022 aaneqarput.

Suliat Isumaginninnermik Naammagittaalliuuteqartarfimmeersut ima agguataarsimapput (KS = Kommuneqarfik Sermersooq):

Suliap suussusaa	Kommune ilalerneq arpoq	KS-ip aalajangiinera atorunnaarsinneqarpoq/allanngortinneqarpoq innuttaasoq ilalerneqanngikkaluartooq	Atorunnaarsinn eqarpoq	Uterinneqartut	Innuttaasoq ilalerneq arpoq
Utoqqalinersiat			1	2	
Suliffissaaleqisunik ikiorsiineq	1		1	2	1
Erninermi sulinnigiffeq arnerit.	2				2
Ineqarnermut akiliummut tapiissutit			2	1	




Siusinaartu mik pensionisiall it	2		2	1	2
Pisortanit ikiorsiissutit	2		2	2	
Allat	1				
Tamakkerlu git	8	0	8	8	0

Takussutissami takuneqarsinnaasutut, Isumaginninnikkut maalaartarfimmit Isumaginninnermut Suliffeqarnermut Isumaginninnermullu Ingerlatsivik suliani 8-ni ilalersimavaat; naammagittaalliuuteqarnermilu ilalernerqarsimasoqanngilaq suliamilu ataatsimi DSA ingerlatsiviup aalajangiineranik ataatsimik atorunnaarsitsisimavoq imaluunniit allangortitsisimavoq.

Isumaginninnikkut Naammagittaalliuuteqartarfimmit aaliangikkanut tunngasut ineriartortinneqarnerat – Kommuneqarfik Sermersooq

Takuuk figur 1-imi piffissap ingerlanerani Isumaginninnikkut Naammagittaalliuuteqartarfimmi aaliangikkat ineriartornersimanagerat. Piffissap ingerlanerata ilaani aaliangikkat taama amerlatigisimangillat. Assersuutigalugu 4 kvartal 2020-imi aalajangiiffigisat arfineq marluinnaasimapput 1 kvartal 2022-imi aalajangiiffigisat qaffariarsimanagerat takuneqarsinnaalluni. Tamatuma naammaagittaalliuutit amerlanerulersimanagerat takutinngilaa kisiannili naammagittaalliuuteqartarfiup sulianut uninngasuutigisanut sukumiisumik iliuseqarsimanageranik tamanna tunngaveqarluni. Tamanna maannakkut angusimavaat taamaalilluta takusinnaalerparput aaliangiiffigisassat appariarsimanagerat. Aammattaaq maluginiaqqunarpoq kommunip aaliangiineranut isumaqataanerit amerlanerat. Isumaginninnikkut Naammagittaalliuuteqartarfiup aalajangiinerisa ineriartornerat.



Aalajangiinerit nassuiaataat

Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsiviup aalajangiineranik atorunnaarsitsineranut allannguisimaneranulluunniit pissutaasinnaavoq, Suliffeqarnermut Isumaginninnermullu Ingerlatsiviup aalajangernera DSA-p kukkusutut atorsinnaangitsutulluunniit nalilerpagu, innuttaasoq naammagittaalliuutimini ilalernerqarsimanngikkaluartoq. Assersuutitut taaneqarsinnaavoq, Suliffeqarnermut Isumaginninnermullu Ingerlatsivik siusinaartumik pensionisiaqalertussaangitsumut siusinaartumik pensionisiaqalersitsisimappat.

Sulianik utertitsineq isumaqarpoq, suliat Suliffeqarnermut Isumaginninnermullu Ingerlatsivimmut suliakkiissutigineqaqqittut. Tassunga pissutaasinnaavoq, suliamut paasissutissat amigarsimasut, taamaalilluni Isumaginninnermi Naammagittaalliuuteqartarfik aalajangiisinnaanani. Taamaattumik ingerlatsiviup suliaq suliareqqissavaa, tamannalu aalajangiisimanerup assinganik kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat. Imaassinnaavorluunniit kommune qinnuigineqartoq aalajangiineq annertunerusumik tunngavilersoqqullugu.

Utertitsineq tunngaviusumik pissuteqarpat, Suliffeqarnermut Isumaginninnermullu Ingerlatsivimmit malinnaavigineqassaaq utertitsineq sulianut assingusunut suleriaatsimik allanngortitsinissamut qanoq pissutissiitiginersoq.

Nalinginnaasumik Suliffeqarnermut Isumaginninnermullu Ingerlatsiviup DSA-mi aalajangikkat malinnaaffigisorujussuusarpai. Taamaattumik Suliffeqarnermut Isumaginninnermullu Ingerlatsivimmi DSA-mi aalajangikkat malinnaaffiginarlugit ingerlatsivimmi sulisut pingaernerit aalajangersimasumik ataatsimiittarput.

DSA siornatigumut naleqqiullugu nutaamik suliareqqitassanngortitsilluni amerlanerusunik utertitsisarpoq. Suliut utertinneqartartut ikilisarneqarnissaat Suliffeqarnermut Isumaginninnermullu Ingerlatsiviup anguniarpaa, taamaaliornikkut suliut eqqortumik, paasinartumik tunngavilersorluakkamillu suliarineqarnissaat qulakkeerneruniarlugu.

Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisernerit eqqortuunissaat, Isumaginninnermut Suliffeqarnermullu Ingerlatsiviup sullissinerup pitsaassusaa qulakkeerniartuassavaa. Suliut naammassisimasut kisitsisinngorlugit Suliffeqarnermut Isumaginninnermullu Ingerlatsivimmit kvartalikkaarlugit saqqummiunneqartalissapput.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Isumaginnittoqarfiup aqutsisoqarfik aaqqissuusaaaneralu pillugu Inatsisartut peqqussutaat nr. 11, 2. november 2001-imeersumi § 8, imm. 1 malillugu.

Ilanngussaq
Soqanngilaq.

Punkt 2: Kajumissuseq tunngavigalugu isumaginninnermi sulinermut tapiissutinik agguaaneq 2022

Beslutning

Ilisimatitsissut tusaatissatut tiguneqarpoq.

Kajumissuseq tunngavigalugu isumaginninnermi sulinnermut tapiissutinik agguaaneq 2022

Ilisimatitsissut

SagsID: EMN-2022-05199

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsiviup isumaginninnikkut nammineq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermik ajornartorsiuteqartut sammisassaqaartinnissaannut suliniuteqartunut aningaasaliissuteqarnissaq siunertaavoq.

Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. 2022-mi Suliffeqarnermut Isumaginninnermullu Ingerlatsiviup Nuummi Natteravnene 25.000 kr.-nik tapiiffigineqarnissaminnik qinnuteqaataa akuersissutigaa. Aningaasaliissutigineqartut tunngaviumik pikkorissartitsinissamut aammalu tarnip pissusiinut tunngasumik ikiueqqaarnermi pikkorissartitsinermut, ilaatigullu nuna tamakkerlugu ataatsimeersuarnissamut aningaasartuutinut kiisalu sukkuqaqanik pisinermut il. il. atorneqassallutik.

Nuummi Natteravnene meeqqat inuussuttullu akornanni toqqissisimanermik misigititsisarput aammalu aserorterinermut, persuttaanermut, atornerluinermut pinerlunniartarnermullu pinaveersaartitseqataallutik. Nammineq kajumissutsimik suliniutaapput, Kommuneqarfik Sermersuumi innuttaasunut pitsaasumik allanngueqataasussat.

Ingerlariaqqinnissaq

Suliffeqarnermut Isumaginninnermilu Ingerlatsivik nammineq kajumissuseq tunngavigalugu suliniutinut inunnut tunngasunut tapiiffigineqarnissamut qinnuteqaatinik amerlanerusunik tigusaqarnissaminut taakkulu misissuataarnissaanut qilanaarpoq. Suliffeqarnermut Isumaginninnermullu Ingerlatsiviup oktobari 2022-mi qinnuteqaatinik suliaqassaaq, kingornagullu Suliffeqarnermut Isumaginninnermullu Ataatsimiititaq ilisimatitsissuteqarfigalugu.

Ingerlatsivimmit aningaasatigut sulisoqarnikkullu naliliinerit

Tapiissutinut aningaasanut atugassatut 201.000 koruunit immikkoortinneqarnikuupput. 2022-mi manna tikillugu Suliffeqarnermut Isumaginninnermullu Ingerlatsiviup 25.000 kr.-it agguatereerpai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaattallit

- o Peqatigiiffinnut isumaginninnermik suliaqartunut tapiissutinut piumasaqaatit

Ilanngussat

Soqanngilaq.

Punkt 3: Ulloq unnuarlu akigitat qaffanneqarnerinut akuersissut

Beslutning

Ilisimatitsissut tusaatissatut tiguneqarpoq.

Ulloq unnuarlu akigitat qaffanneqarnerinut akuersissut

Ilisimatitsissut

SagsID.: EMN-2022-04911

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Suliffeqarnermullu Ingerlatsivik 1) Uulinermit Qiimanermut nuussinermut atatillugu ulloq unnuarlu akit qaffannerinerinut kiisalu 2) innuttaasup ulloq unnuarlu sulisutitut pisariaqartitsisuunera pissutaalluni ulloq unnuarlu akit qaffasinnerulernerinut aningaasaliissuteqarpoq.

1. Suliffeqarnermut Isumaginninnermullu Ingerlatsivimmit Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersumi § 18 naapertorlugu innuttaasup ulloq unnuarlu paaqutarinniffimmi Uulineq 2-miit ulloq unnuarlu paaqutarinniffik Qiimanermut nuunneqarneratigut ulloq unnuarlu akip qaffaataa akuersissutigineqarpoq. Innuttaasoq Qiimanermi najugaqartunut akuunissamut tulluunneruvoq, nuussinerlu innuttaasoq angajoqqaavilu isumasioqatigalugit pivoq.

2. Suliffeqarnermut Isumaginninnermullu Ingerlatsivimmit Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersumi § 19 naapertorlugu innuttaasoq ulloq unnuarlu paaqutarinniffimmi Aaqami inissisimanissaanik akuersissuteqarpoq, taannalu ulloq unnuarlu akitigut qaffasinneruvoq. Innuttaasoq Pakkutami pisariaqartitamisut paaqutarineqarfigisinnaasamini inissaqalernissami tungaanut paaqutarineqarnissamik ikorfartorneqarnissamillu pisariaqartitsinerulernikuugami tunniussilluarsinnaasumiittariaqarpoq.

Ingerlatsivimmit aningaasatigut sulisoqarnikkullu naliliinerit

1. Ulloq unnuarlu paaqqinniffik Qiimanermi ulloq unnuarlu akia 5.080 kr. ukiumullu 1.854.200 kr., kingunerissavaalu ukiumut akimut qaffaat 434.705 kr.
2. Paaqutarineqarneq ikorfartorneqarnerlu ulluni 128-ni ulloq unnuarlu akia 547.968 kr., taamaalilluni akimut qaffaataa katillugu 132.480 kr.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq
- Inuit innarluutillit tapersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq

Ilanngussat

Ilanngussaqaanngilaq.

Punkt 4: Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarnerit

Beslutning

Ilisimatitsissut tusaatissatut tiguneqarpoq.

Bilag

Marsip ulluisa 31-anni 2022-mi Utoqqaat pillugit Siunnersuisoqatigiit ataatsimiinnerannit imaqarniliaq

Maajip ulluisa 30-anni 2022-mi Utoqqaat pillugit Siunnersuisoqatigiit ataatsimiinnerannit imaqarniliaq

Utoqqaat pillugit Siunnersuisoqatigiit ataatsimiittarnerinik ataavartumik ilisimatitsisarnerit

Ulluni 31. marsi aammalu 30. maajimi 2022 ataatsimiinnerit

Ilisimatitsissut

SagsID: EMN-2022-05231

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiittamut inassuteqaatigaa:

- ilisimatitsissut tusaatitut tiguneqassasoq

Suliassamik saqqummiussineq

Utoqqaat pillugit Siunnersuisoqatigiit ulloq 31. marsi 2022-mi aamma 30. maaji 2022-mi ileqquusumik ataatsimiipput. Utoqqaat pillugit Siunnersuisoqatigiit ataatsimiinnerisa saniatigut ulloq 9. maaji 2022-mi aamma workshopperneq ingerlanneqarpoq.

Utoqqaat pillugit Siunnersuisoqatigiit ulloq 31. marsi 2022-mi aalajangererat tunngavigalugit

Utoqqaat pillugit Siunnersuisoqatigiit ingerlappaat:

- Workshopperneq ulloq 9. maaji 2022, matumani siunnersuisoqatigiit suliassaannik aalajangersimasunik anguniakkanik qulaajaanissaq siunertaralugu. Workshoppernermi Utoqqaat pillugit Siunnersuisoqatigiit anguniakkaminnik tulleriaaripput, taakkulu Utoqqaat pillugit Siunnersuisoqatigiit tulliani ileqquusumik ataatsimiilerunik oqaluusereqqissavaat.
- Utoqqaat pillugit Siunnersuisoqatigiit siulittaasuata aamma Kalaallit Nunaanni Utoqqaat illersuisuat ulloq 30. maaji 2022 suleqatigiillernissaq pillugu ataatsimeeqatigiipput. Illuatungeriit oqaloqatigiittarnerit suleqatigiinnerlu ingerlaannarnissaat aammalu ukiumullu ataasiarluni ataatsimiittarnissaq isumaqatigiissutigineqarpoq, tassanilu utoqqaat innuttaasut atugaat pitsanngorsarniarlugit suliniutit ingerlaartut pillugit ilisimatitseqatigiittoqartassaaq.

Suliffeqarnermut Isumaginninnermullu Ingerlatsivik Utoqqaat pillugit Siunnersuisoqatigiit sulinerat

pillugu Suliffeqarnermut Isumaginninnermullu Ataatsimiittamut ataavartumik

ilisimatitsissuteqartassaaq. Tamatuma saniatigut Utoqqaat pillugit Siunnersuisoqatigiit

ataatsimiinnerinit imaqarniliat Kommuneqarfik Sermersuup nittartagaatigut tamanut

saqqummiunneqartassapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi Utoqqaat pillugit Siunnersuisoqatigiinnut ileqqoreqqusat
- Utoqqaat pillugit Siunnersuisoqatigiit suleriaasissaat

Ilanngussat

1. Marsip ulluisa 31-anni 2022-mi Utoqqaat pillugit Siunnersuisoqatigiit ataatsimiinnerannit

imaqarniliaq

2. Maajip ulluisa 30-anni 2022-mi Utoqqaat pillugit Siunnersuisoqatigiit ataatsimiinnerannit imaqarniliaq

Punkt 5: Oqartussaaffeqarfiup angusai sullissinermilu anguniagai - 2 kvartali 2022

Beslutning

Ilisimatitsissut tusaatissatut tiguneqarpoq.

Oqartussaaffeqarfiup angusai sullissinermilu anguniagai - 2 kvartali 2022

Ilisimatitsissut

SagsID.: EMN-2022-05102

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- oqartussa qarfirmi angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

Suliassamik saqqummiussineq

Oqartussa qarfirmi ulluinnarni sulinermi innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussa qarfirmi matchgruppe 3-miittut iliuusissamik pilersaarusiorneqarnissaata pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamut periarfissaarukkaangata aningasaqarnikkut isumannaatumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasumut iliuusissatut pilersaaruteqarnissaa piunasaqaataangilaq, innuttaasorli iliuusissamik pilersaarusiornissamut neqeroorfigineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalu siunertamut iliuusissatut pilersaarutit sakkuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarnerat qulakkeerniarlugu malitseqartinneqartarput.

Oqartussa qarfirmi isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasooq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq
- Sillimaffigisassaangitsunik saaffiginilluni piffissamik inniminniinermit oqaloqateqarnissamut utaqqineq ullunik 14-inik sivisunerussanngilaq
- Ulluni suliffiusuni nal. 8.30-10 sisamanngornikkullu nal. 16-17 oqarasuaatikkut saaffiginittoqarsinnaavoq

- Innuttaasut utoqqaat, pitsorluttut innarluutillilluunniit angerlarsimaffiitut isumaginninnermut siunnersortimit orninneqarsinnaapput.
- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasuusarpoq
- Qinnuteqaatit suliarineqarnissaannut utaqqineq ullunik 10-nik sivisunerussanngilaq
- Akiligassat suulluunniit piffissaatillugu akilerneqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusiorfigineqassapput
- Siusinaartumik pensionisiaqalernissamat qinnuteqaatit suliarineqartarnerisa siviinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutinik pisartut amerlassusiat	743
Isumaginninnermik Sullissivimmut saaffiginninnerit amerlassusiat	3553
Piffissaq eqqorlugu akiliinerit procentinngorlugu naatsorsorneqarneri	95%

*Pisortanit ikiorsiissutinik pisartagallit amerlassusiat ulloq 11 juuli 2022 AX-imeersoq

Aaqqiissutissatut siunnersuut – suliaticigut naliliineq

Suliffeqarnermut Isumaginninnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussa q siunertalimmik anguniakkat kisitsisinngorlugit takussutissaliortoqartassasoq.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit
Soqanngilaq.

Ilanngussat
Soqanngilaq.

Punkt 6: Utoqqarnut tunngasuni naatsorsueqqissaarneq, ukiup affakkaartumik malinnaatitsineq

Beslutning

Ilisimatitsissut tusaatissatut tiguneqarpoq.

Utoqqarnut tunngasuni naatsorsueqqissaarneq, ukiup affakkaartumik malinnaatitsineq

Ilisimatitsissut

SagsID.: EMN-2022-05232

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit utoqqarnut tunngasuni inissianik neqeroorutit pigineqartut takussutissartaat kiisalu utaqqisunut allattorsimaffik saqqummiunneqarput.

Takussutissamiipput Suliffeqarnermut Isumaginninnermullu Ingerlatsiviup utoqqaat illuini, oqilisaassivinni, utoqqaat najugaqatigiiffiini inissiat pigisai aamma utoqqarnut/innarluutilinnut inissiat pigisai.

Suliffeqarnermut Isumaginninnermullu Ingerlatsiviup innuttaasut makkununga innersuuttarpaat:

- Utoqqaat angerlarsimaffiat
- Oqilisaassineq
- Utoqqaat Najugaqatigiiffiat
- Inissiat utoqqarnut innarluutilinnullu naleqqussakkat

Kommune ataasiakkaanik innarluutilinnut naleqqussakkanik pigisaqarpoq, sinnerilu Inissiatileqatigiiffik Iserit A/S suleqatigalugu tunniunneqartarput. Tassunga atatillugu utoqqarnut/innarluutilinnut inissiat inini allerni tummerartaqanngitsuni imaluunniit aqqusinermiit arlalialunnguanik alloriusartalinniipput.

Inissiat pigineqartut

Illoqarfik/najugaqarfissanik neqeroorutit	Utoqqaat angerlarsimaffiat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	65	14	-	275
Paamiut	18	3	-	20
Tasiilaq	16	0	-	6
Qeqertarsuatsiaat	-	1	8	2
Ittoqqortoormiit	-	0	7	2

Tulliuttumi juuni 2022-mi utaqqisunut allattorsimaffik takutinneqarpoq.

Utaqqisunut allattorsimaffimmiipput innuttaasut inissianut taama ittunut innersuunneqarsimasut allattorsimaffiat. Taakkua saniatigut innuttaasut qinnuteqartut sulili innersuunneqarsimanngitsut aamma pigineqarput (kisitsisit ungaluusamiipput).

Utaqqisunut allattorsimaffik

Illoqarfik/najugaqarfissanik neqeroorutit	Utoqqaat angerlarsimaffiat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	16	0	-	72 (+ 36)
Paamiut	0	0	-	7 (+ 10)
Tasiilaq	3	-	-	1 (+6)
Qeqertarsuatsiaat	-	-	0 (4-nik inissat sillimmataapput)	0
Ittoqqortoormiit	-	-	1	0

Amerlasuutigit innuttaasut, utoqqaat illuannut utaqqsunut allatsissimasut, oqilisaassiffiqartarput. Tassa imaappoq, innuttaasoq utoqqaat illuanni inissarsippat taava oqilisaassivimmi inissaqalartartoq.

Suliffeqarnermut Isumaginninnermullu Ingerlatsivimmit kissaatigineqarpoq utoqqarnut tunngasuni inissianut utaqqsut allattorsimaffiisa ammanerulernissaat, ukiullu affakkuutaartumik naatsorsuutit Suliffeqarnermut Isumaginninnermullu Ataatsimiititamat saqqummiunneqartassasut.

Aamma utaqqsut allattorsimaffii innuttaasullu katitigaaneri Suliffeqarnermut Isumaginninnermullu Ingerlatsiviup pilersaarusioneranut aammalu immikkoortumut pilersaarutiniq suliaqarnermut tamanut tunngatillugu ilaatinneqartarput, ilaatigut illuliassanik sanaartugassanillu pisariaqartitsinerit eqqarsaatigalugit.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq.
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juuli 1994-imeersoq.
- 2021-2025-mut suleqatigiinnissamik isumaqatigiissut
- Kommuneqarfik Sermersuup Utoqqaat pillugit politikkaa 2016-2026
- Kommuneqarfik Sermersuup utoqqarnut pilersaarutaa

Ilanngussat
Soqanngilaq.

Punkt 7: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniartugut suliniutit pillugit killiffik

Ilisimatitsissut

SagsID.: EMN-2022-05135

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniartugut suliniutinut killiffik pillugu kiisalu suliffissaaleqisut amerliartornerat pillugit ataavartumik

ilisimatitsissuteqartarpoq. Matumani ilisimatitsissut maaji - juuni 2021-mi tunngavoq.

Nuuk

Nuummi suliffissaaleqineq apparliartorpoq suliffissaaleqiffiunnginnerup nalaaniimmat. Nuummi Majoriaq suliffissaaleqineq pillugu suliniutinik assigiinngitsunik ingerlataqarpoq, pingaartumik inuusuttunut matchgruppe 2-nillu taasartakkatsinnut tunngatillugu.

Suliffissaaleqisunut matchgruppe 2-miittunut qulaajaavigineqarnerit ingerlanneqarsimapput kiisalu innuttaasunut matchgruppe 3-miittunut ilitsersuineq kajumilersitsinissarluni siunertaralugit ingerlatsisoqarluni aammalu siusinaartumik sulisinnaajunnaarnersiutilinnut nalilersueqqinneq ingerlanneqartussaalluni. Tamatuma saniatigut suliffissaaleqisunut matchgruppe 1-miittunut 2-miittunullu iliuusissatut pilersaarutit malitseqartinneqarnissaannut suliaqarneq ingerlaannarpoq.

Paamiut

Paamiuni suliffissaaleqineq suli aalaakkaasuvoq. Paamiuni Majoriami suliffissaaleqisut inuttut sulinnermullu piginnaasaannik inerisaallutik suliniutitik ingerlatiinnarpat. Suliffissaaleqisunut matchgruppe 2-miittunut qulaajaanerit ingerlanneqarput kiisalu innuttaasunut matchgruppe 3-miittunut ilitsersuinerimik kajumilersitsinissarluni siunertaralugit ingerlatsisoqarluni aammalu siusinaartumik sulisinnaajunnaarnersiutilinnut nalilersueqqinneq ingerlanneqarnikuulluni. Tamatuma saniatigut suliffissaaleqisunut matchgruppe 1-miittunut 2-miittunullu iliuusissatut pilersaarutit malitseqartinneqarnissaannut suliaqarneq nanginneqarpoq.

Suliffeqarfinnut attaveqartuarnissaq suleqatigiinnissarluni siuarsartuarniarlugit suliffeqarfinnut pulaartarnissat ingerlanneqartuassapput.

Tasiilaq

Tasiilami suliffissaaleqineq apparliartortuarsinnarpoq suliffissat piunerisa nalegimmassuk Tasiilami Majoriami illoqarfimmi iliuusissatut pilersaarutitut ilitsersuineq malitseqartitsinerlu ingerlaannarput kiisalu aasami sulinnigiffeqareernerup kingornagut nunaqarfinnut ilitsersuiartorluni tikeraartoqarumaarpoq. Matchgruppe 3-miittunut ilitsersuinerimik kajumilersitsinissarluni siunertaralugit ingerlatsisoqarnikuuvoq aammalu siusinaartumik sulisinnaajunnaarnersiutilinnut nalilersueqqinnissaq ingerlanneqartussaalluni.

Juunimi Majoriami FA-mik ingerlatserusullutik inuusuttut utaqqisut 34-aapput, taakkunanga 17-it nunaqarfinninngaanneersuullutik.

Suliniut NUIKI Ittoqqortoormiuniit Kuummiunut nuunneqarnikuuvoq. Kuummiuni NUIKI-mik ingerlatsineq inuusuttunut 15-inut nunaqarfimmi atuarfik suleqatigeqqissaarlugu ingerlanneqassaaq. Inuusuttut 15-it maanna siunnersorneqarlutillu ingerlatsinissamut akuerineqarsimalerput tamannalu ingerlassaaq qaammatini qulini aggusti 2022-imiit maaji 2023-imut.

Tasiilami Majoriaq immikkut ittumik iliuuseqarpoq ikorfartuutaasussanik "Mentor"-inik taasanik, peqataasut suliffeqarfimmi sulinissamik misiliinissaannut pisariaqartitsilerumaartussat immikkut tapersersortissaannik, taamaalilluni innuttaasut sulilersinnaanermut periarfissagissaartikkumallugit.

Ittoqqortoormiit

Ittoqqortoormiuni suliffissaaleqineq aal akkaasuuvoq, Majoriami inatsit tunngavigalugu suli ataatavartumik ingerlanneqartarlutik. Nuummi Majoriamit ukiaaru illoqarfik tikeraarneqartussaavoq, tassani siunertaalluni ilisimasanik piginnaasanillu tapersersortaanissaq. Pilersaarutaavoq, innuttaasut matchgruppe 2-miittut qulaajaaffiginissaat ilitersorneqarnissaat kajumissuseqalernissaallu qitsiutillugit ingerlatsiviginissaat, Matchgruppe 3-miittullu ilitersuinermik kajumissaarinermillu ingerlatsiviginissaat aammalu siusinaartumik sulisinnaajunnaarnersiutilinnut nalilersueqqinnissaq ingerlanneqassalluni. Ingerlatsinissaq sanianut ingilluni ilitersuinertut ingerlanneqarumaarpoq, siunertaavorlu siunissami Ittoqqortoormiuni Majoriap nammineerluni suliassanik ingerlatsinnaalernissaa.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqineq suli apparitorpoq, tamannalu ukiup qanoq ilineranik pissuteqarmat naatsorsuutigineqareerpoq. Suliffissarsiuussisarfimiillu ukiunut kingullernut 2-3-nut sanilliullugu suliffissaaleqisut appariaateqarnerussasut naatsorsuutigineqarpoq, tassa suli suliffissaaleqisut 2019-imut, 2020-mut aamma 2021-mut sanilliullugit appasinnerummata. Takuuk ilanngussami takussutissat 1 aamma 2.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut amerlanerusut suliffittaarnissaannut innersuunneqartarnissaat suli sulissutigineqarpoq. Matumani piffissami innersuunneqarsimasunut

	2022-mi maajimi innersuussat amerlassusiat	2022-mi juunimi innersuussat amerlassusiat
Sumiiffik		
Nuuk	40	27
Paamiut	24	7
Tasiilaq	0	0
Ittoqqortoormiit	1	0
Nunaqarfimmi tamani	1	0

nalunaarsuinerit tulliuuttumi takuneqarsinnaapput. Innersuussisarnerit suli tassa sammisassaqartitsinermut tunngapput, tamannalu 2022-imi ukkatarineqarluarpoq. Anguniagaavoq suliffissaaleqisut piginnaasaasigut ineriartortinneqarnerisa kingunerisaanik (pikkorissaanerit il. il.) suliffeqarfiillu suleqatiginerisigut suliffissaaleqisut amerlanerit kommunip illoqarfiini nunaqarfiinilu sulilersinnissaat.

Matchgruppiniit agguataarinerit naatsorsorneqarnerat

Matchgruppiniit nalilersuisartut pingaartumik suliffissaaleqisut matchgruppe 2-miittut pillugit suli ingerlapput qaammatinilu tulliuuttuni ingerlassallutik. Taamaaliortoqassaaq iliuusissanik pilersaarutinik malitseqartitsinissaq pillugu aggersaanikkut kingornalu qulaajaavineqartussat innersuussat, tassani sulinermik misiliinissamut pilersaarutit ilaapput. Taamaaliornikkut suliffissaaleqisut tarnikkut timikkullu sulisinnaassusaat piviusumik takuneqarsinnaalissapput. Ilanngussami takussutissiaq 3 takuuk.

Avataaniit suliaartortut naatsorsorneqarneri

	Maaji	Juni
Akuersissutit amerlassusiat	28	67
Itigartitsissutit amerlassusiat	0	10
Sivitsuinerit amerlassusiat	40	9
Taamaatitsinerit amerlassusiat	0	0
Aalajangiinerit katillugit	68	86

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarneri

Majoriaq inuusuttunut 16-30 akornanni ukiulinnut ujartuilluni ilitsersuinerimik suliaqartarpoq. Ujartuilluni aqutissiineq inuusuttunut suliffeqanngitsunut, illinnialersimanngitsunut imaluunniit suliffissaaleqisutut Majoriami allattorsimanngitsunut. Taamatut ujartuilluni aqutissiineq kommuunimi tamarmi ingerlanneqalernikuuvoq, juunimilu Nuummi Majoriaq inuusuttunut taamatut inissisimasunut 521-inut allakkanik aggersaassutinik siullermeerutaasunik nassiussaqqarpoq aqutissiorneqarnissamik aggersaassutinik.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitallit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ilanngussat

1. Suliffissaaleqisut kisitsisaannut takussutissiat

Punkt 8: Piffissami 2022-mi aprilimiit 2022-mi juunimut pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

Piffissami 2022-mi aprilimiit 2022-mi juunimut pissaanermik atuisimaneq pillugu nalunaarutinik ilisimatitsissut

Ilisimatitsissut

SagsID.: EMN-2022-05105

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Pissaanermik atuisimaneq takussutissaliorneqartarpoq, qulakkeerniarlugu pissaanermik atuisoqarsimanermut tunngasunik suliaqartoqartillugu innuttaasut sulisullu perorsaanermut tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppernarsaatissaqarnissaq.

Ataatsimiititamut kingullermik ilisimatitsissuteqarneq ataatsimiititap ulloq 11. juuni 2022-mi pivoq. Ilisimatitsissut taanna piffissami aprilimiit 2022-mi juuni 2022 atuuttuvoq. Ilisimatitsissutissaq tulliuuttoq piffissami 2022-mi juulimiit 2022-mi septembarip tungaanut atuuttuussaaq.

Nalunaarutit qassiuneri

Utoqqarnut aamma Inunnut Innarluutilinnut kiisalu inunnut Eqqarsartaatsimikkut nappaatilinnut tunngasuni pissaanermik atuneq pillugu nalunaaruteqartarneq annikitsuinnaavoq.

Utoqqarnut tunngasunik suliassaqarfimmi piffissami pineqartumi pissaanermik atuisoqarsimaneranik nalunaaruteqartoqanngilaq.

Utoqqarnut tunngasunik suliassaqarfimmi pissaanermik atuneq pillugu nalunaarutit annikinneri peqquteqarput pissaanermik atuisinnaanerup annikinnera aammalu nalunaarusiunngitsoortarnerit. Immikkoortortani aqutsisut sulisunik ilitsersuisarput qanoq iliorluni pisuni assigiinngitsuni pissaanermik atuisoqartannginnissaa pillugu. Eqqortumik nalunaarusiortoqartarnissaa siunertalugu illup iluani puiguttortunut ataqatigiissaarisut aggustimi septembarimilu ingerlatassaannik ilinniusiunneqarput utoqqaat illuini sullissisunut aaliangersimasunut ilitsersuutigisassaannik. Sulisut taakkuussapput suleqatiminnut ingerlatitseqqillutillu ilinniartitsisussat pissaanermik atuinerup qanoq nalunaarusiorneqartarnissaat pillugit.

Piffissami pineqartumi immikkoortortami Utoqqarnut aamma Inunnut Innarluutilinnut kiisalu Inunnut Eqqarsartaatsimikkut nappaatilinnut pissaanermik atuisoqarsimaneranik nalunaaruteqartoqanngilaq.

Innarluutilinnut eqqarsartaatsimikkut nappaatilinnullu Immikkoortortaqaarfimmi inissanik agguasarnermi pissaanermik atueratarsinnaasut annikitsuinnaapput, ineqartussat pissaanermik atueratarsinnaasut Namminersorlutik Oqartussat imaluunniit Danmarkimi ulloq unnuarlu paaqqinniffiusunut innersuunneqartarmata. Najugaqatigiiffimmi ataatsimi immikkut ittumik unnuarsiortuliisoqarnikuuvoq, tamannalu ineqartut ilaasa sakkortusaaratarsinnaanerani tunngaveqarpoq. Qaammatini kingullerni BVC-imik piareersaallunilu aallarnisaasoqarnikuuvoq. BVC tassaavoq aqqissuussaasumik pissaanermik atueratarsinnaasunik nalilersuisarnerit,

tamatumalu siunertaralugu sakkortuulioratarsinnaanermik pitsaaliuinissaq kiisalu sulisut pissaanermik atueratarsinnaanerisa minnerpaaffianiitinnissaat.

Nalunaarutiginninnernik malinnaaffiginninneq

Nalunaaruteqarnerit sulisumit immersorneqassapput, immikkoortumi aqutsisoq imaluunniit immikkoortoqarfimmi aqutsisoq suleqatigineqarsinnaavoq. Nalunaaruteqarnerit ataasiakkaanut tunngatillugu, malitseqartitsisoqassanersoq aamma pitsaaliuutaasinnaasumik suliniuteqartoqassanersoq isummertoqartassaaq, nalunaaruteqarnermut pissutaasut qanorpiaq ittuunera tunngavigalugu.

Najugaqatigiiffinni aqutsisut, taakkunani immikkoortoqarfinni aqutsisut kiisalu fagcheffi tamarmik nalunaarutitik suliaqartussaapput, ataasiakkaanullu tunngatillugu nalunaarutiginnittoqarnerani suliniutinut aallartinneqarsimasunut tamarmik immikkut oqaaseqaateqartarput. Taassuma saniatigut pitsaaliuinermit suliniutit oqaluuserineqartarput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-imeersoq
- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20 november 2022-meersoq

Ilanngussat

Soqanngilaq.

Punkt 9: Suliffeqarnermut Isumaginninnermullu Ataatsimiititap angalanerani nalunaarussiaq

Beslutning

Inassuteqaat akuersissutigineqarpoq.

Bilag

Angalanermit nalunaarussiaq

Pilersaarut

Suliffeqarnermut Isumaginninnermullu Ataatsimiititap angalaneranit nalunaarusiaq

Nuuk, juuni 2022

Aalajangiiffigisassaq

SagsID: EMN-2022-06227

Suliffeqarfimmur Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmur Kiffartuussiviup Suliffeqarnermut Isumaginninnermullu Ataatsimiititap inassuteqaatigaa:

- angalanermit nalunaarusiaq akuersissutigineqassasoq

Suliassamik saqqummiussineq

Suliffeqarnermut Isumaginninnermullu Ataatsimiititaq ulluni 15. aamma 16. juuni 2022 Nuummut angalavoq. Angalanermit siunertaavoq kommunimit ingerlanneqartumik sammisassaqartitsivittut aamma attaveqatigiittarfittut neqeroorutaanut kiisalu kommunip najugaqarfiinut marlunnut inunnut innarluutilinnut suliassaqarfimmiittunut pulaarnissaq; Kammagiit, Pakkutaq aamma Seernaq. Pulaarnermut siunertaavoq innuttaasut tarnikkut imaluunniit timimikkut innarluutillit qanoq najugaqarnermut pillugu takuniaaneq kiisalu ulluinaat qanoq ingerlasarnermut aamma aqutsisut pillugit saqqummiussivigineqarneq.

Ataatsimiititap angalaneranut siunertaq alla tassaasimavoq, inunnut innarluutilinnut aamma tarnikkut nappaatilinnut suliassaqarfiup ilisimasaqarfigilernissaa, tassani inuit innarluutillit pillugit suliassaqarfik, innuttaasut assigiinngitsut qanoq ittut sullinneqarnermut kiisalu siunissami unammilligassat qitiutinneqarlutik.

Ataatsimiititap angalaneranut siunertaq kingulleq tassaasimavoq Suliffeqarnermut Isumaginninnermullu Ingerlatsivimmi Oqartussaaffeqarnermik ataatsimeeqateqarnissaq, tassani ullormut oqaluserisassat ilaatigut imarisimavaat utoqqarnut periusissat, angerlarsimaffeqannginneq aamma one door-imik tunngavimmik suliaqarneq.

Suliffeqarnermut Isumaginninnermullu Ataatsimiititapit peqataapput Inge Olsvig Brandt (siulittaasoq), Lone Rosengreen Pedersen (siulittaasup tullia), Poul Petersen (ilaasortaq). Suliffeqarnermut Isumaginninnermullu Ingerlatsivimmit peqataapput Ejner Grønvold (ingerlatsiviup pisortaa), Mathias Knude Brusgaard (innarluutilinnut tarnikkullu nappaatilinnut immikkoortortaqarfimmi fagcheffi) aamma Cecilie Victoria Schierbeck (oqartussaaffeqarfimmi fagcheffi). Aammattaaq Julia Lynge Ezekiassen (ataatsimiititami allatsi) Pisortaqatigiit Allatseqarfianit peqataavoq.

Suliffeqarnermut Isumaginninnermullu Ataatsimiititap angalanerminnit ilikkakkatik ilisimalikkatillu ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2022-mi ataatsimiititap angalanissaanut 350.000 koruunit immikkoortinneqarsimapput.

Suliffeqarfimmur Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Ataatsimiititap suleriaasia

Ilanngussat

1. Angalaneq pillugu nalunaarussiaq
2. Pilersaarut

Punkt 10: Lukket

Punkt .: Taasariaqartut allat

Beslutning

Siulittaasumiit:

Ataatsimiitamiit Norgemut angalanissamut pilersaarusiorneq pillugu ilisimatitsineq.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.35.